

中混元斲

玉韻琅琅絕鄭音輕清徧貫達人心我從一得鬼神輔入地上
天超古今

縱橫自在無拘束心不貪榮身不辱閑唱壺中白雪歌靜調世
外陽春曲

吾家此曲皆自然管無孔兮琴無絃得來驚覺浮生夢晝夜清
音滿洞天

吟六首

先天吟

空山靜夜微雲作淡月疎星寒氣錯忽見長庚耀太虛迴觀北

道藏輯要

礪溪集

三

又胃集三

斗潛寥廓乾坤舒慘卽時改宇宙紛綸何所託必有機關默動
搖憑虛反覆相酬酢大哉無極玄元道何者不蒙靈應藥點化
三光轉碧空滋榮萬物開花萼騰今跨古未嘗壞歷險衝艱殊
不弱浩浩洪流自激揚紛紛大化誰斟酌混元一氣首與變無
上至尊唯獨惡踏碎虛空出杳冥擘開混沌生揮霍陰陽升降
作門戶日月縱橫爲鎖鑰暑往寒來晝夜分時通運塞興衰各
旣而上立乾坤鈕復乃下鳴師範鐸建德隨方料物宜因時設
教從人樂三皇五帝皆宗祖六道四生成唯諾至聖文才尙發
蒙猶龍道德何其博

度世吟

山深路僻行人少盡日幽巖聽啼鳥無客相陪皓月中有時獨
立青雲表雲表孤吟百邪遠天涯一覽羣山小調高風急韻悠
颺清絕步虛神縹緲憶昔重陽泛天角清吟欲序乾坤樸鈞拔
扶風人不知測量大海余先覺入神妙致應難辨出俗玄談非
所學返觀今日道崢嶸始得他年功卓犖首及東牟演仁孝未
能化俗開籠罩五會軒軒立五名宣海金蓮登州玉華萊州三
平等文登七寶福山三光
州衮衮崇三教出神人夢人驚駭擲蓋投冠予計較師居東海
乃猶龍馬入西秦還變豹丹陽寔道隆於棧右也大定己丑夏
四月余與丹陽等數人從重陽師自
文登如宣海時邁龍泉曰氣稱熾師命余等前已執傘在後距
半里許余忽回顧見傘騰空而起余急返走問之云搏扶搖而
上不知其然而然初傘起東北望之冉冉墜於沙間指其方而
覓之了無所也時余法眷翁陽子王公隱於東海隅之查山山
道藏輯要 礪溪集 又胃集三

逍遙吟

十洲三島兮巨海之中瓊樓絳闕兮參差半空松陰密鎖兮無
畏日執扇不搖兮有清風流金熱佩玉真仙未嘗說水晶宮殿
開寶座星辰列碧虛懸象透樓臺清淨化身非骨血本來身自
通神談笑忽驚天上人

自在吟

瑤臺閬苑兮碧漢之中祥雲瑞炁兮盈盈滿空羣仙出沒兮灑